

UMKHOMBANDLELA WOLUNTU

ISSUED BY:
National Treasury: Tel (012) 315 5757
SARS: Tel 0800 007 277
www.treasury.gov.za | www.sars.gov.za



SARS
At Your Service

YINI ISABELO SEZIMALI ?

Njalo ngonhlonjani, uNgqongqoshe wezezimali wethula izinhlelo zeminyaka emithathu elandelayo zesabelo sezimali, ukuqoqwa kwentela kanye nokwebolekwa kwemali ezimakethe zezimali kuleli naphesheya kwezilwandle. Ungqongqoshe uphinde achaze indlela okuhloswe ngayo ukusetshenziswa kwemali eyabelwe iminyango kahulumeni wesizwe, ohulumeni bezifundazwe kanye namantshontsho atholwa omasipala.

ISABELO SEZIMALI SIGXILA EKUKHULISENI UMNOTHO

Isabelo sezimali sika-2014 sigxila ekubekeni isimo somnotho endleleni entsha yentuthuko.

Njengoba kuchazwe ohlelweni lwentuthuko kazwelonke (NDP), injongo enkulu kahulumeni ukwenyusa izinga lokukhula komnotho lifinyelele kumaphesenti angu-5 kuya ku-6 ngonyaka. Lelizinga lokukhula komnotho lokwandisa imali yentela, okuyiyona uhulumeni ayisebenzisela ukuthuthukisa izimpilo zabantu nokwandisa amathuba emisebenzi, ukuqeda ubuphovu nokungabikho kwamathuba alinganayo.

Umnotho wakuleli ukhule ngamaphesenti alinganiselwa ku-1.8 ngonyaka ka-2013. Isimo kuleli kanye nokululama komnotho emhlabeni jikelele okuntengayo kubenomphumela emncane emkhizweni wakuleli kanye nokwanda kwamathuba emisebenzi. Umnotho wakuleli kulindeleke ukuba ukhule ngamaphesenti angu-2.7 nonyaka, ukhule njalo uze ufike kumaphesenti angu-3.5 ngo-2016.

Ziningi-ke izizathu ezingakhuphula izinga lokukhula komnotho wakuleli:

- Utshalomali kwingqalasizinda entsha kanye nokuthuthukiswa kwaleyo esivele yakhiwe,

konke lokhu kulindeleke ukuba kudle u-R847.3 wamabhiliyoni eminyakeni emithathu

elandelayo. Utshalomali luzokwandisa inani likagesi, ingqalasizinda, lubuye futhi

lukhuthaze osozimboni abazimele ukuba batshale imali.

- Ukwanda kwamathuba emisebenzi kulindeleke ukuba kunike abathengi umfutho wokuthenga izimpahla kanye nakho konke okuthengiswayo kuleli.
- Ikusasa eliqhakazile lomnotho womhlaba jikelele kulindeleke ukuba landise amathuba osozimboni bakuleli okuthengisa umkhizizo wabo kwamanye amazwe.
- INingizimu Afrika kulindeleke ukuthi ihlomule ngokwanda kwamathuba ohwebo kanye notshalomali ezwenikazi laseAfrika kuleminyaka emithathu ezayo. Yingakho nje uHulumeni wakuleli ezohlela imigomo yakhe ukuze iseke imizamo yokwandisa uxhumano ngokwezomnotho kwamazwe ase-Afrika yonkana.

Ukwakhiwa kwengqalasizinda entsha nokuthuthukiswa kwaleyo esizele yakhiwe kuyisisekelo esikhulu sezinhlelo zikaHulumeni.

Inggqalasizinda esikhuluma ngayo yileyo efana no kwandiswa kweziteshi zokuphehla ugesi, utshalomali ezintweni zokuthutha umphakathi, kanye nokuvuselelwa kwezikhungo ezingu-5 zamanzi.

SIKWENZELANI ISABELO SEZIMALI

● UKWESEKWA KWEZIMBONI

Amabhiliyoni angu-R10.3 azosekela ukuthuthukiswa kwezimbongi; angu-R15.2 azosetshenziselwa ukweseka osomabhizinisi; kuthi amabhiliyoni angu-R3.6 azokweseka ukuvulwa kwamathuba emisebenzi ezindaweni zomkhizizo ezaziwa ngama Special Economic Zones.

● AMATHUBA EMISEBENZI

Kuleminyaka emihlanu ezayo, uHulumeni uhlose ukudala amathuba emisebenzi ayizigidi ezingu-6 ngokohlelo lwemisebenzi eyenziwa emiphakathini (Expanded Public Works Programme).

● UKULWA NOKUKHWABANISWA

Ihhovisi le-Chief Procurement Officer seliqalile nohlelo lwalo lokuguqula indlela uHulumeni athenga ngayo izimpahla kanye nezinye izidingo. Konke lonke kuhloswe ngakho ukuqinisekisa ukuthi imali isetshenziswa ngendlela efanelikeyo, kubuye futhi kuncishiswe amathuba okukhwabaniswa kwezimali.

● UKWESEKWA KWEZOLIMO

Uhlelo lokuthuthukisa ezolimo kuhloswe ngalo ukwenyusa amathuba emisebenzi adalwa ezolimo, njengoba kuchaza uhlelo lwentuthuko kazwelonke (NDP). Izifundazwe zihlangene zonke zizohlomula ngamabhiliyoni angu-R7 ukuze zisekele abalimi abasafufusayo abalinganiselwa ku-435 000 kanye nabalimi abancane abangu-54 500.

● EZEMFUNDO NOKUQEQESHA

Ezemfundo zithola isamba esedlula zonke ezinye izinhlelo zikaHulumeni. Kuleminyaka emithathu ezayo amabhiliyoni angu-R78 azoxhasa amanyuvesi kuthi angu-R34.3 asetshenziselwe ukwakha izikole.

● INGQALASIZINDA

UHulumeni uzimisele ukuthuthukisa izinga lempilo yabantu bakuleli ngokutshala imali kwingqalasizinda. Kulonyaka inkampani yezitimela ezithwala abantu izohlomula ngamabhiliyoni angu-R11 ukuze ithenge izitimela ezintsha iphinde futhi ithuthukise ingqalasizinda elawula ukuhamba kwezitimela.



1. Ovela kungqongqoshe
2. Igalelo lezomphakathi
3. Eyezenhlakahle



1. Ukuthuthukiswa kwezempilo
2. Ezamathuba emisebenzi
3. Ivelaphi imali yesabelo



1. Ubonelelo lwentela
2. Ezamabhizinisi amancane
3. Ubonelelo lwabongayo
4. Eyogwayi notshwala

LIBE UMTHOMBO WOLWAZI?
LELIPHEPHA KUWE
SMS Yebo noma Cha ku
44112
i-SMS ngayinye ibiza 50c.

UKUVULWA KWA-MATHUBA EMISEBENZI

EZINYE ZEZINDLELA UHULUMENI ASEKA NGAZO UKWANDISWA KWEMISEBENZI:

UHLELO LWEMISEBENZI YOMPHAKATHI

Loluhlelo olwaqala ngo-2004 seluvule amathuba emisebenzi yesikhashana abalelwa ezigidini ezidlula-5, kanti isigaba esilandelayo saloluhlelo kulindeleke ukuba sivule amathuba emisebenzi elinganiselwa ezigidini ezingu-6.

UHLELO LOKUSEBENZA KOMPHAKATHI

Loluhlelo lunika abantulayo amathuba okusebenza izinsuku ezimbili ngeviki, noma izinsuku ezingu-8 ngenyanga,

kanti lugxile kakhulu emizamweni yokuthuthukisa umnotho.

INTELA YOKUKHUTHAZA IMISEBENZI

Ukusungulwa ngo January 2014 koluhlelo oluxhasa amabhizinisi anikeza amathuba emisebenzi kubantu abaneminyaka ephakathi kuka-18 no-29.

UKUQEQESHA KWENTSHA

Loluhlelo luqeqesha intsha emakhonweni emisebenzi yezandla.



UKUTHUTHUKISWA KWEZEMPILO

Abampofu bathola ukunakekelwa mahala emitholampilo baphinde futhi bakhokhe imali ephansi kakhulu lapho besebenzisa izibhedlela zikaHulumeni. Kuleminyaka emithathu ezayo uhulumeni uzo:

- 1 Sebenzisa amabhiliyoni angu-R77 ukuthuthukisa ezempilo etholakala emitholampilo kanye namabhiliyoni angu-R240 ezibhedlela zikaHulumeni.
- 2 Vula ihhovisi kulonyaka ka-2014/15 elizohlola zonke izikhungo zezempilo.
- 3 Kwabela izigidi ezingu-R600 ohlelweni lokulwa nesifo somhlaza wesinye.
- 4 Kwandisa ngo-R1 bhiliyoni isabelo sohlelo lwesandulela ngculazi/

ingculazi (HIV/AIDS) ngo-2016/17 ukuze kwandiswe imishanguzo ye-HIV/AIDS. Bayizigidi ezingu-2.5 abantu abathola lemishanguzo kumanje, kanti kulindeleke ukuba inani labo lenyuke ngabantu abangu-500 000 ngonyaka.

- 5 Kwenyusa izinga lokwakhiwa kwengqalasizinda kwizifunda ezizoba ngezokuqala ukufaka uhlelo lwe-National Health Insurance (NHI) kanye nezinkontileka zodokotela. Amabhiliyoni angu-R3.1 asebekelwe ukuvuselela amakliniki kanye nezibhedlela bese kuthi amabhiliyoni angu-R1.2 wona abhekene nemvumelano zodokotela.



UYITHATHAPHI IMALI UHULUMENI

INTELA	2013/14	%
EKHOKHWA ABASEBENZAYO	335,9 BN	33,8
EKHOKHWA IZINKAMPANI	198,9 BN	20,0
EPHATHELENE NOHWEBO PHAKATHI KWAMAZWE	267,2 BN	26,9
INTELA YENTENGO	81,4 BN	8,2
EKAPHETHILOMU	47,5 BN	4,8
NOKUNYE	62,7 BN	6,3
ISAMBA ESIHLANGENE	993,7 BN	100,0

EBOLEKWA UHULUMENI NENZALO AYIKHOKHAYO

Uma imali eqoqwa uHulumeni ngentela ingenele ukukhokhela isabelo sezimali sonyaka wonke, uHulumeni wakuleli uyawboleka umehluko, ingxenye enkulu eqhamuka ezimakethe zezimali zakuleli kuthi encinyane ivele ezimakethe zezimali emazweni aphelelayo.

Imali okulinganiswa ukuthi izoqoqwa isikhwama sentela kulonyaka ka-2014/15 ingamaphezulu kwethriliyoni wamarandi (R1.099 trillion). Isabelo sezimali sonkana silinganiselwa ku-R1.25 thriliyoni, okusho ukuthi kuzoba negaba lemali elinganiselwa kumabhiliyoni angu-R153.1 uHulumeni azowboleka ezimakethe zezezimali. Ngenxa yokuntengantenga kwemali engena esikhwameni sentela, inani lemali ebolekwa uHulumeni isinyuke kakhulu kuleminyaka emihlanu edlule, kangangoba isikweletu

sikaHulumeni sizofinyelela ku-R1.6 thriliyoni ekupheleni konyaka ka-2014/15, sisukela ku-R5.26 ngonyaka ka-2008/09.

Ngokwenyuka kwesikweletu, nenzalo nayo iyakhuphuka. Inzalo ezokhokhwa uHulumeni ngonyaka ka-2016/17 ilinganiselwa kumabhiliyoni angu-R134.2, isukela kumabhiliyoni angu-R54.4 ngo 2008/09. Njengoba imali yenzalo ikhokhwa kuqala ngaphambi kokuthi isabelo sezimali sonyaka sihlukaniswe, lokhu kusho ukuthi ukwanda kwesamba sentela kunciphisa imali engasetshenziswa ukufeza izidingo zomphakathi njengengqalasizinda, ezemfundo, ezempilo, kanye nezokuvulwa kwamathuba emisebenzi.

UHulumeni uyayazi ingozi engadalwa ukukhula kwezikweletu. Yingakho nje uHulumeni ehlale egqugquzela iminyango yakhe ukuthi iphathe izimali zomphakathi njengezikhali zabentungwa.

IZOKWABIWA KANJANI



